

吳橋縣志

第三册



吳橋縣志卷之六

人物志

祥麟瑞鳳人係地靈執鞭私淑高山景行文章道義
孝友節貞鄉評月旦昭回雲漢潛德幽光懼有遺散
記實傳信一辭莫贅作人物志第六

先猷 予始覽州志載安陵人者凡七戰國有安陵
君及縮高漢有馮唐弓林馬嚴馬敦唐有項仲山竊
意安陵廢城吳蹟也則此數人者當爲吳產因欲采

吳橋縣志

卷之六人物

一

而錄之所謂逃空虛之谷聞人足音而喜耳然亦復
有疑焉旣而叅考圖志乃見長安之安陵然後喟然
嘆曰嗟夫此州志之訛也予尙可踵其訛哉夫安陵
君成侯受詔于魏襄王彼固魏邑也縮高亦魏人不
宜入齊趙志明矣弓林與平陵方望同事仲山飲馬
渭水嚴敦兄弟居鉅下三輔平陵渭水三輔地皆在
長安去此千百里則惡可以此之步陵而冒合之馮
唐墓亦見長安古蹟蓋其大父趙人父后代漢徙安



陵載在史記者足徵也然則唐亦豈此地人物也哉
特因其大父而係籍于趙則可謂云爾已矣外僑寓
者李白李頎二人按其所謂安陵橋者決非此之安
陵可知也夫志核實不實則誣誣非所以傳信也

戰國

孫臏按史記本傳孫臏生於阿鄆之間臏亦孫武之後
裔也孫臏嘗與龐涓俱學兵法龐涓既事魏得爲惠
王將軍而自以爲能不及臏乃陰使召臏臏至涓嫉

吳橋縣志

卷之六 人物

二

其賢於已因以法刑其兩足而黥之欲隱勿見齊使
者如梁臏以刑徒陰見說齊使齊使以爲奇竊載與
之齊齊將田忌善而客待之忌數與齊諸公子馳逐
重射孫子見其馬足不甚相遠馬有上中下輩於是
孫子謂田忌曰君第重射臣能令君勝田忌信然之
與王及諸公子逐射千金及臨質孫子曰今以君之
下駟與彼上駟取君上駟與彼中駟取君中駟與彼
下駟與彼三輩畢而田忌一不勝而再勝卒得王千

金於是忌進孫子於威王威王問兵法遂以爲師其
後魏伐趙趙急請救於齊齊威王欲將孫臏臏辭謝
曰刑餘之人不可於是乃以田忌爲將而孫子爲師
居輜車中坐爲計謀田忌欲引兵之趙孫子曰夫解
雜亂紛糾者不控拳救闕者不搏機批亢擣虛形格
勢禁則自爲解耳今梁趙相攻輕兵銳卒必竭於外
老弱罷於內若不若引兵疾走大梁據其街路衝其
方虛彼必釋趙而自救是我一舉解趙之圍而收敵

於魏也田忌從之魏果去邯鄲與齊戰於桂陵大破
梁軍後十五年魏與趙攻韓韓告急於齊齊使田忌
將而往直走大梁魏將龐涓聞之去韓而歸齊軍既
已過而西矣孫子謂田忌曰彼三晉之兵素悍勇而
輕齊齊號爲怯善戰者因其勢而利導之兵法百里
而趣利者蹶上將五十里而趣利者軍半至使齊軍
入魏地爲十萬竈明日爲五萬竈又明日爲三萬竈
龐涓行三日大喜曰我固知齊軍怯入吾地三日十

卒亾者過半矣乃棄其步軍與其輕銳倍日並行逐之孫子度其行暮當至馬陵馬陵道狹而旁多阻隘可伏兵乃斫大樹白而書之曰龐涓死於此樹下於是令齊軍善射者萬弩夾道而伏期日暮見火舉而俱發龐涓果夜至斫木下見白書乃鑽火燭之讀其書未畢齊軍萬弩俱發魏軍大亂相失龐涓自知智窮兵敗乃自剄日遂成豎子之名齊因乘勝盡破其軍虜魏太子申以歸孫臏以此名顯天下世傳其兵

兵橋縣志

卷之六人物

四

法

宦望

明

張公翔崇德里人由監生授戶科給事中諫疏累上貴

戚歛手歷陞兩淮都轉運司同知清白有聲

劉公昉定原南里人永樂四年舉人授工部主事有冰

蘖聲歷陞戶部郎中掌太倉錢穀綜理周悉尋陞山

西行太僕寺少卿

何公子聰 樂里人賦性聰穎過目成誦正統乙未進士授山西趙城知縣清白自勵陞太原府同知

張公玉崇 德里人中成化丙戌進士任監察御史正色立朝權貴斂手巡按關陝進廉去貪風裁振肅歷任遼東巡撫功成致仕勅諭祭葬崇祀鄉賢

郭公玉安 陵里人由監生授山東福山縣知縣禁游浮鋤強暴載之間民豐物阜盜息罔虛撫按奏聞陞

東平州知州

吳橋縣志

卷之六人物

五

王公鑑 豐樂里人由監生授吳江縣主簿縣糧稅頗多征收爲累鑑征歛有限催督不擾民依期完納當道累獎之秩滿歸行李蕭條邑民遮道泣送曰王青天去也難其嗣也

彭公糖 豐樂里人領成化癸卯鄉薦任陝西臨洮府推官其府近邊強悍難治糖以禮義化強暴以刑罰懲奸頑二載間民安俗美布按推稱及期朝覲懇乞致仕歸與異母弟儀負郭田二頃其友于之義尤可稱

焉

敖公文瑞號栢村弘治戊午科舉人仕至銅仁府知府
歸來家無中人之產每躬親農事朴素如寒儒著作
甚富惜無傳有吳川八景詩雅渾典麗載在郡志永
嘉張邑侯題其堂曰二十四年清白吏百千萬世孝
廉名入祀鄉賢

馬公尚義任陝西鳳翔縣知縣性敏才長處事有法折
獄詳明令行禁止縣舊庫役必破家里甲徵糧多不

六橋縣志

卷之六人物

六

完公立法庫役不累徵收早完撫按凡七薦陞其肅
行太僕司寺丞

王公立號履齋仁和里人領正德庚午鄉薦初任江浦
調繁金壇丁憂服闋補萊蕪擢東昌府丞所至有循
聲各立生祠有德政碑記後陞揚州府知府崇祀鄉
賢

邵公大經新得鄉人登嘉靖丙辰科進士初任江西吉
安府推官加意平反廉察有聲拜天曹執法不阿凡

所銓除一惟至公人有累金夜遣者甫卻不受兩荷
廉憲名赫三秦

李公尚綱字元美幼聰穎過人早失母外祖張都憲公
撫養之張公家積書甚富公得肆力涉獵人稱爲經
筭云事繼母承顏若志不少違以克孝聞性好獎誘
後進門下彬彬多賢士曾還鄰嫗遺金人服其雅量
屢試不偶以歲貢授陝西漳縣知縣明斷慈惠俗尚
巫殘形破產以事淫祠公開諭力禁少止縣舊苦山

吳橋縣志

卷之六人物

七

水漲瀰傷禾公築堤疏渠民賴以饒值內艱回籍行
李蕭然民哭送遮道後卒於家有子傳芳中嘉靖甲
子科舉人

王公稟誠號弘可豐樂鄉人領辛卯科鄉薦任山東城
武縣加意撫循拮据荒政畫興除十二事疲邑少振
期月餘有九獎十一薦未幾卒于官鴻材未竟應興
其子若孫云

李公懿號省齋定原北里人幼聰慧始能言卽道前世

事並兄弟妻子姓名隨師授句讀一過不忘試命題
出對應聲如嚮十歲能文弱冠舉於鄉性至孝值母
病夜焚香告天願減已年以延母壽果愈嘉靖甲辰
科進士初授泰州牧丁母憂服闋補同州釐弊除奸
興廢舉墜撫按薦章有職業大修賢能懋著風清弊
絕吏畏民懷之句三年轉南民部員外郎歷郎中蒞
事甫歲餘擢陝西漢中府知府漢中政務素冗剖決
如流案牘肅清當道者嘆異撫按薦揚按院吉日器

吳橋縣志

卷之六人物

八

度爽豁言論英發朗識爲能達化弘才足以經邦撫
院張曰操持端慎舉動老成嚴肅以率僚屬而貪墨
知畏明敏以集事務而廢墜聿修有用之才遠到之
器摠制賈曰才思穎脫而識見過人搯履端方而政
事精密三年陞陝西西寧道兵備副使急流勇退致
仕回籍卽閉門卻掃以詩文自娛於世利聲華泊如
也立鄉社廳勸諭鄉俗花塢三處閑中會親友飲樂
所著有擊缶文集擊壤詩集三皇五帝紀列國世宗

等書若干卷

李公如峰號西軒省齋翁子爲人恬粹謙和爲諸生時有聲黌序入都爲光祿丞典御饌卽辭歸延名師課子甚力慷慨雅量見族戚窶者不吝周施惡少有犯之者置不校長君天經守濟南時引一蒼頭策蹇就之不知爲太守封翁焉生平簡淡類如此以子貴累贈大中大夫光祿寺卿

范公永年號仁元仁和鄉人奇穎蚤慧成童卽知名於

吳橋縣志

卷之六 人物

九

時博洽羣書下筆千言立就辛卯入關爲馮宗伯所

鑒識已署名第九以結語駁之應癸巳拔萃科遂冠

瀛頒其文爲式四方來問業者日衆累十舉不第會

子景文登名清要當馳封公不受欲以所學榮所生

也初倅通州再判湖州丞松江歷著徽績晉開都叅

軍陞起部郎治造度支億萬曾不一爲染指廉聲特

茂擢粵西南寧太守辭不赴日捧檄爲親三叨恩命

于願足矣及景文建牙于豫乃拜中丞誥里居一再

正鄉飲賓席勅諭塋祭崇祀鄉賢人以公才福德爲
三全云生平著書甚富稿多佚有水部詞山行雜詠
會音類編思本堂稿海畔吟水部草藏于家

范公景文號思仁仁和鄉人登萬曆癸丑科進士初任
山東東昌府推官悉心平反寧出勿入旱蝗條便宜
十事存活億萬躬查粥廠匹馬走風雪嘗署其門曰
不受屬不受餽東人稱爲二不公以治行遷吏部疏
論銓弊侃侃不撓時權璫魏忠賢黨與亂政欲借公

吳橋縣志

卷之六人物

十

爲重公持正不阿璫思有以中公公賦詩一首歸里
詩曰素衣生怕染京塵乞得江湖老此身無用將從
檣櫟伍有家願與鷺鷗隣桃源遁去何知晉東海死
寧不帝秦夜月幾回勞北望衝天黑氣壓青燐公休
涉家居會南寧公倅湖病肺癰公微服匍匐星馳抵
湖署父子慰勞病良已旋丁內艱哀毀盡禮起復任
太常遷都憲建牙中土遷兵部侍郎督治通鎮護漕
運三歷秋防公數乞歸養甫得請而南寧公捐館矣

公以不逮含歛摧毀三年骨立服闋起南京總憲遷大司馬極力整頓百廢具舉以考績贈三世如公官武陵楊嗣昌以內閣掌兵部昇寇張獻忠殺城三縣駐牧寇製船秣馬勢張甚公偵得其實言寇就撫不可信與武陵忤及武陵奪情廷臣以綱常大義諍者多獲罪公合九卿申論遂落職僑寓南京優游山水間后撫局大壞賊犯承天破襄雒武陵懼誅仰藥死廟堂思公言召還故官趨入對卽道中遷刑部尚書

尋改工部尚書公至入見帝曰不見十餘年何癯也卽日受事拮拮城守日夕勞瘁疾作從床褥間呼司官區畫備禦構築費省功多汴河決用公計底績時公配張夫人卒公陳妻亾子死之慘賜卹如例並贈長子貢生營繕司主事以慰公甲申二月晉東閣大學士公辭帝曰朕知卿久今寇在門庭用卿晚矣旣而寇氛益逼或請出幸召集議東閣日聯絡人心堅守待援此臣所知他非敢議帝泣下曰先生言是也

國君死社稷朕豈有他念哉及三月十七賊薄都下
公直宿閣中十九日昧爽中官傳諭城軍散亂亟命
都察院多遣御史巡城公詣中左門請見而宮人陰
惶走詰之云王太監隨駕出矣公趨長安街朝房而
賊騎滿道家人勸公易服歸寓偵駕爲去就公曰駕
出不與聞今安往耶歸寓徒亂人意給侍者出遂自
經侍者覺而解之公怒旋曰我有未了事因賦詩一
首又繕遺疏請恢復盖以駕出必幸金陵悞於宮人

吳橋縣志

卷之六人物

十一

之言也語侍者曰今日之事皆謀國者刻深剝削致
此四十日輔臣不能挽救惟一死以報君恩耳呼一
人隨至演象所望拜闕庭先隴囑曰翌辰收我遂投
井死四日始斂顏色如生賊至公寓蕭然無所得歎
曰范閣老真清宰相禁勿得輒入其門會我

皇清定鼎憫明末寇陷都城殉君死難幽忠難泯大節可

風褒卹死節諸臣

賜謚文忠建祠予祭

塲祭田七十畝嗚呼公大節凜然固已炳耀史冊矣至其
家庭里閭孝友惇睦徽猷懿範則又更僕難數真千
古完人後世所矜式者也所著有開心札記餐永齋
詩味鉉堂奏疏南樞志諸書藏於家

王公胤長號慶我仁和鄉人聰慧好學克敦孝友家徒
立壁養母撫弟百計拮据不致日用或缺也萬曆乙
卯登賢書初任山西武鄉縣清介慈祥循聲丕著調
煩翼城正值徇賊作亂公以計劃之渠魁就戮撫按

吳橋縣志

卷之六人物

三

題叙陞遼州調煩陞澤州旋陞河南太守陞本府分
守道歷任異政不可勝紀突闖寇以數萬至公修練
有素賊不能攻堅守待援者三閱月適叛將王紹禹
等率兵稱援與賊約爲內應城遂陷公死之故明嘉
其殉節贈光祿寺卿賜造墳銀兩如例廕一子入監
讀書至

皇清定鼎闔縣公舉崇祀鄉賢河南亦祀名宦

徐公崇雅號繩玉山歲貢授山東鉅野縣訓導二月致

仕回籍教子侄延生徒閉門講究聖賢義理推舉鄉飲正賓

張公擢字允嘏恩選貢生授山東齊河縣主簿賦性剛直不合時宜六閱月卽解綬歸來修德教子至今書香不絕

國朝

李公天經字性參號仁常定原鄉人爲憲副李公省齋孫登萬曆癸丑科進士依依膝下不肯筮仕兩親強

興橋縣志

卷之六人物

七

之初就河南開封府府學教授益不欲以民社疎定省也陞國博擢計部遷濟南郡守到處一塵不染建祠立碑有清天之頌甫轉糧臬一聞母恙泣乞告歸養未允其請竟單騎馳歸蓋侍病心切視官如敝屣爾甫旬母卒繼丁外艱服闋補河南守道歷憲三秦陞中州方伯惠政弘猷不可勝紀自少卽精星緯之學會入覲大學士徐公疏薦督修曆法屢測屢驗著有崇禎曆書告成陞光祿寺正卿廕子壽祺入監讀

祖章皇帝定鼎

詔求遺老之在籍者公應

召入見授通政使司通政使未幾固辭致仕自先世以來
頗有積儲貧者待以舉火至於煮粥賑饑出粟濟餉
共以萬石計捐銀千兩改修磚城闔邑德之順治己
亥九月卒壽八十有一卒之日遠近莫不流涕紳士
耆庶公舉崇祀鄉賢

吳橋縣志

卷之六人物

五

王公翰字錫彤號友陶順義里人幼年失怙家貧力學

甫弱冠卽與兄屏同遊泮屢試前茅相繼補廩奮志

下帷寒暑晦明弗輟崇禎己卯舉于鄉闈寇之變縣

中無官公糾衆守城保全境內闔邑德之至順治丁

亥成進士筮仕山西鄉寧縣矢志愛民一塵不染德

政治被播爲歌謠刊布傳誦有青天包老之語及解

綬回籍囊橐如洗鍵關稽古立社課文誘掖後進廣

敷教澤茲謝絕俗累樂道其貧非公不至毫無干謁

剛介端方真大丈夫也廉頑立懦端賴斯人

崔公源字梅公孝義里人天資穎異孝友性成年未弱
卽遊黌序家貧力學每試高等戊寅歲

清師至吳崔大人見而奇之携公去視如骨肉本姓王因
改今姓至丁亥選爲貢士授兩淮運判考績居最陞
本司運同未踰年陞兩浙巖憲裕課通商歷有異績
兩浙德之建祠尸祝鐫碑紀焉晉秩河南大叅藩司
分守商民攀轅截鐙泣滄遮留旬餘乃得出境至中

吳橋縣志

卷之六人物

六

州正已率屬吏肅民安一切利弊無不興除中州大
治人莫不以台鼎期之乃因詿誤遂決勇退歸來讀
書課子樂道安貧恬如也允矣才品兼全蒼生之所
繫望

劉公子正字平子號坦公順治乙未科進士懷庵公長
子也四歲授書輒能成誦甫十歲受經于懷庵公學
成補博士弟子員第一弱冠登第初授山東章丘縣
令性至孝奉父詣任中每事稟教所行多善政口碑

一時載道迨蒙

召取晉階文林郎歷官銓部所至有聲癸卯主考關中所
得皆知名士尤異者山左丁酉入闈凡經賞鑑者先
後皆成進士爲世名儒知人之明公不愧矣胞弟兩
人進士子直庠生子忠皆公教成也公平生憫儻不
羣樂義好施人皆推其雅量識者以鼎彝器之方壯
而殞鄉黨親識莫不流涕共議崇祀鄉賢

劉公澤厚順義里人十五歲入庠第一明季隨其外祖分

吳橋縣志

卷之六人物

七

守河南道王公胤長任所值闖寇陷洛邑時母病不
能動履負走刃下寧死不忍捨去被傷遍體卒脫母
於難父柩遠寄晉中當兵燹之時同母王孺人傾笥
典賣不憚險遠取父柩安窆安窆事孀母撫幼弟克盡
孝友順治丙戌科領鄉薦己亥科登進士任四川江
安縣知縣多善政考滿一等後因僞孽復叛率僕迎
敵遂以身殉難康熙五年三月初七日奏

旨贈四川按察司僉事廕一子入監讀書給與應得

誥命崇祀鄉賢

張公闇然字含素仁和鄉人順治元年拔貢初任河南伊陽縣令有善政撫按交薦調繁茂西扶風縣令歸來居家清謹戶外事不與聞人皆稱爲淳厚長者

萬公邦翰字羽張豐軀偉幹倜儻不羣善臨池兼精騎射揮霍有才任樂陵令吏惕民懷善政不勝數其大者山東羣盜蜂起公躬環甲胄斬獲以數千計隣境俱賴以安會大計舉循卓

及橋縣志

卷之六人物

六

欽賜豸繡及晉戶曹持籌精細軍民賴之少時雖困名場而花城流譽粉署含香此足爲稽古之榮矣

餘詳墓誌

萬公士秀字君實翩翩有儁才總角採芹早膺歲薦種花沁水人戴福星惜以註誤斬弘施也兩袖歸來蕭然鍵戶其人清以遠矣

郭公保之字近元德性冲和與人無競任常熟煩劇之地而能錢穀犁清簿書無累可不謂才焉解組歸來閉門掃軌蕭然自遠鄉之月且宜乎寄也

李公奇勛由貢監任山東城武縣令謝事回籍特躬謙
謹非公不至蓋和平而沉靜者也

淑行

明

劉公林定原南鄉人以子貴贈登仕郎鴻臚寺序班居
家孝友好德樂施親識婚喪鄰里匱乏行道饑羸皆
憐而給之歲荒則罄所積出貸數十里內無餒者人
皆稱之曰劉善翁有羣盜入其家子掇科被縛一里

吳橋縣志

卷之六人物

十九

聞難赴聞賊衆悉擒掇科得免而室人一無所傷愈
謂作善之報享年八十有八有司廉其耆德敦請鄉
飲今銓部子正中書子直同胞兩進士皆其孫也天
眷善人固不爽哉

劉公掇科字汝巍由例監任鴻臚寺序班授登仕佐郎
卽所稱劉善翁之子也溫厚和平與人無競人皆以
長者稱之

劉公繼德係掇科長子山例監任兵馬司輕財樂施居

家以孝聞

劉公繼思字睿庵係掇科季子由例監任鴻臚寺序班德行醇備孝友克敦好行施賑賴以舉火者甚衆人稱之爲劉佛云

范公元超字君平號確齋恩選貢生以父景文兵部尚書廕襲官生淡薄寧靜儉朴無華門第愈高恪恭愈甚博極羣書且旁通內典自童子以至拔貢累試皆第一父督治通鎮大父病臥床榻公日侍湯藥焚香

吳橋縣志

卷之六人物

二十

禱神願以身代及卒哀毀踰禮待族黨不驕教後學不倦歿以父拜東閣大學士贈工部營繕司主事

周公桂字丹山安陵里人增廣生寬厚溫恭橫逆不校天性純孝色養得二親歡伯母孀君曲盡敬禮累舉德行有司扁旌其門

周公成功字謙子桂之長子也十六歲補博士弟子員第一旋拔居一等補廩雅負才名十赴秋闈不第其事親也承歡養志每於無形聲處曲體之有幼弟成

大素爲父所憐功將腴田廣宅倍予焉友也而孝具是矣

國朝

劉公靖華字綏萬號懷庵係繼思季子公生而岐嶷九齡而孤事母以孝聞事兩兄克恭弱冠舉茂才嘗營紫纓樓藏書萬卷終日吟咏其中性多慷慨見義必爲里人貸粟數百石值歲飢悉焚其券戊子萑苻竊發公設守望策保障一方遠近賴以安堵平生雅量

吳橋縣志

卷之六人物

三

容人有妾人造匿榻中公以危法公知其人不校人告以過欣然佩之曰非愛我者不肯爲此藥石之言濟貧恤孤解紛排難莢不勝紀尤善於教子長子正成乙未進士次子直成甲辰進士三子忠藉甚豐官以長公令章丘受

封如子官沒之日聞者悲慟邑人崇祀鄉賢世咸謂其道德文章盛于一門比之爲眉山老泉云


王公孫錫字申之豐樂人十三歲應童子試第一旋補

廩餼爲人端良簡默至孝性成母范氏卒於舅氏范
文忠公宦邸公徒跣扶柩數千里泣不絕聲廬居三
載未嘗露齒恤堂伯無後爲之立嗣所遺厚貲盡畀
之橫逆之來付之不校人服其雅量號曰容齋先生
有某視公爲凡上肉誣陷謀成彼卽暴死天之默祐
善人蓋如此聰敏好學累試高等入赴秋闈未第以
明經入監著述甚富書畫兼長子作肅今爲胃監名
儒復有三絕之目識者以爲盛德之報云

吳橋縣志

卷之六人物

三

段公擢字師錫  人府庠生質性寬和孝友素著人
題其堂曰篤慶蓋以擢數世皆同居故也獨撐門戶
令其弟振靜心讀書成名士其甥楊長源幼失怙恃
撫養教讀娶妻遊泮俾令成家其周貧扶難類如此
且瘞骨施棺焚券修橋靡善不舉初家計頗豐以好
行其德至於空乏而不悔有司屢旌其門

李公天授號澹持出庠生任故明鴻臚寺鳴贊順治五
年莅苻竊發邑侯欽其才望敦請總理城守人恃以

無恐

彭公篤棊歲貢生質性敦朴不愧坐漏教授生徒倡明理學科第譽髦半出其門士論重之

康公允濟字用舟貌古心古德隆學隆午夜藜光耄年不輟執經問字雪立紛然惜以拔萃成均終也然屢入賓筵人尊山斗是亦足矣豈必頭上進賢乃爲榮耶

范公應薦邑廩生文忠公族弟也性醇謹文忠器重之

吳橋縣志

卷之六人物

三

迨文忠盡節無嗣薦一子厚重異常兒出繼于文忠不二年薦復生子天之不絕善人也如此且腹田五百畝過嗣後典盡亦可知非利有絕產者矣

周公良弼字應明成功之子甲辰科進士慎之父也居家孝友持已端嚴世守清貧餽粥不給乃棄舉業力田供親然于古書無不讀手錄先正格言一冊奉爲立身教家之則幼時嘗獨守祖柩夜半狂風暴雨雷電繞庭侍柩焚香不驚不避人稱爲孝童辛巳歲丙

有杜姓闔門饑死遺一幼婦有姿容

收養願充下陳公曰饑死事小失節者且平生

請至竭力事親傾囊殯嫂充大節

有兩不談女色之與陰事也有司憲老為鄉飲上賓

今子登甲第孫滿槐堂皆公積善之貽慶爾

義士

明

黃公掌由選貢任貴州都勻府經歷於正德七年流賊

吳橋縣志

卷之六人物

犯至城下堂時為諸生挺身而出說之賊退蒙上堂

獎云冲鋒冒險仗義全城等語奉旨祀入鄉賢

黃公騰龍
周公 櫛

俱邑庠生於崇禎五年援兵鼓譟欲攻城龍

與櫛縋城而下入營中申大義兵詞屈而止人以為

二生三寸舌賢於十萬師蒙撫按學三院旌獎龍乃

堂之仲孫義氣耿耿克紹前烈

國朝

義勇

竇豸俠烈丈夫也。眇一目善騎射。膽略過人。嘗遊京師。貴戚多敬重之。賊盜蜂起。官兵梁遊擊。在于家集被圍。豸率壯丁二十餘人往援之。賊衆辟易。圍解。梁將謝之。因言于有司。使團練鄉兵。豸因聯絡莊村。教以技擊。挺身勇戰。屢設伏獲賊。賊畏之不敢犯。秋雨後散。兵種麥。忽聞北村有警。不及集。率數人先往賊勢。衆大豸獨當數騎。矢不虛發。賊遠圍之。漸收。至村傍。衆勸其入墻。豸大呼曰。兵敗則死耳。何面目再見人。

吳橋縣志

卷之六人物

文十四

短兵格鬪。賊攢射之。遂不免。有司爲之請恤。立碑。兄麟代領其衆。殺賊爲弟報仇。威名大震。賊懼乃愛。燕此時城北有范從善。城西南有楊文德。城東南有孫承基。皆能練衆保境。民恃以無恐。燕趙之士多武勇。尚氣力。習戰鬪。信不虛也。雖然亦在鼓舞之得人耳。徒恃風氣也哉。

明

義民

劉珂安德鄉人嘉靖二十年有解戶李全義遺官銀二百兩於桑樹下珂見不取坐守者久之食棗充虛以待失者既義誦至喜甚欲分金以報珂珂不受曰吾若獲金豈辭多而受少乎有司高其義贈以壽官冠帶扁旌其門至萬曆戊子科子名世中鄉試至今四世耆香還金之報尚未艾也

趙剛順義里人正統六年捐粟一千石賑飢有司奏請旌曰尚義之家

吳橋縣志 卷之六人物

國朝

劉仲舉劉仲富孝義鄉人貧為人傭工拾張其達完官銀伍拾兩仲舉持金至縣前語人曰遺金者爲誰我兄弟拾得願還之其達得金大喜邑侯于公旌其門曰遺金不匿

孝子

明

段興歸仁里人爲邑庠廩生母張氏遵疾輿日侍湯藥

毋卒哀毀踰禮死而復蘇及塋廬于墓側朝夕哭奠
自負土築墳所患去家甚遠難于汲引與籲天泣曰
此地取水未知有無祝畢掘地得古井衆皆驚異有
司奏聞旌表其門

李弘安陵里人弘治年間天旱大祲好胡氏染瘟疫弘
衣不解帶日夜扶持及疾篤思肉食弘患城市遠不
能給遂引刀祝天曰我母有命割我肉不瘡言畢割
之若有神助炙與母食之發汗而愈有司奏聞不報

君子曰此雖不可爲訓然孝心則篤矣書之

劉端孝義里人八歲喪父與母孀居天性至孝及娶與
妻竭力奉養母至七旬無疾而終端哀毀骨立廬於
墓側日負土三担朝暮哭泣聞者悲酸今遺塚高夾
餘過者指爲孝子墓

孔汝安生平篤尚孝行親在色養倍至及兩親歿哀毀
盡禮廬墓三年寢食其間廵方使奏聞詔旌其門

應時定北鄉人家貧事母至孝母死廬墓三年有司

以聞旌表其門曰孝子廬

國朝

邵天寵係邑庠生端方醇謹事繼母以孝聞

孫登正係歲貢生品端學邃事親能得歡心教弟俱成名士孝友之稱宜乎衆矣

周永泰安陵鄉廩膳生天性孝友父被難傷於亂軍中泰不避艱險泣尋得殮竭力襄事曲盡情禮於兵燹破亡之時尤人所難且孝事繼母祖產悉付繼母弟

吳橋縣志

卷之六人物

二十七

宜族黨艷稱之

徐洗歸仁鄉人平生篤孝親死泣思不已刻木爲像朝夕供養洗素不善劊刷乃能儀容宛肖則永言孝思故得心應手耳宜有司常候旌其門

節婦

明

許氏張本妻生子玉尚幼本死許氏年二十三歲躬績紡訓玉讀書後中進士爲御史詔旌其門

吳氏生員周賢妻生子尚文方數歲賢死氏年二十四歲訓文讀書爲邑庠生貢入官監授通渭縣知縣卒於官氏哭子喪明年八旬餘以節終焉

陳氏祈果妻娶一載果死氏年十九歲有姿色人爭慕之氏度其無賴遂削髮誓守七十餘以節終焉

孫氏生員郭經妻娶二載經死氏年二十一歲無子其姑私受人財欲奪其志氏不從姑訟于官縣令李欽訊其情姑不直重治之氏得守節年七十餘歲乃老

吳橋縣志

卷之六人物

三

陳氏趙見妻正德年間流賊劉七劫掠至其家見氏美欲犯之氏唾罵衆賊強逼氏罵愈厲賊怒尸解焉

趙氏馮紀妻紀死氏年二十七歲一男馮自警年方幼氏守之爲傭針指度日警長成娶妻王氏生二子名有本有家方在襁褓自警亦死王氏二十四歲遂與

姑趙氏同守節終身申請撫按題其宅曰一門雙節范氏馬蓮妻娶五年蓮死生一男方二歲氏二十歲蔬食毀粥育孤子名五事教讀書爲邑庠生以節終身

焉

張氏周本順妻順死氏年十六歲翁念其幼且貧勸嫁之剪髮自誓欲爲尼父母憐其志於宅邊隙地築一庵鑄佛像氏焚修其中無子女又無產業冲年守節堅貞不回蓋天性然也

李氏趙存仁妻仁死氏年二十一歲立志自守人勸改嫁則唾罵之家貧無子氏躬操井臼姑痿疾不能動履欲入廁氏抱持上下之歷盡辛苦堅志不移蓋節而兼孝者也

六橋縣志

卷之六人物

三

邵氏李如鴈妻鴈死氏年二十五歲守節朝夕焚香誦觀音諸經以節終焉

邵氏王汝欽妻年二十七歲夫故

梁氏乃邵氏媳年二十四歲夫一洩故

王氏乃邵氏女年二十二歲夫陳志遠故

以上三氏皆弱年孀居同出一門惟梁氏遭際殊艱事孀姑最孝姑晚年久病日夜摩背腹和藥餌累歲

不懶爲姑祈神臘月衣單迨夫逝無尺土寸椽紡績
撫孤諸艱備歷常至日不舉火蒙巡方使王公奉古
旂表立一門三節坊迨長子胤長領乙卯鄉薦由武
鄉縣知縣歷陞河南守道遇覃恩封爲太孺人次子
胤亨胤才俱爲邑庠生人以爲節孝之報云

李氏係封君諱如峯之女歸鴻臚劉公長子俊烈夫卒
年甫十九歲矢志守節事姑以孝聞有司毛公爲之
建坊給扁

長橋縣志

卷之六人物

三

范氏乃贈大司馬范公永年女適邑庠生王世德德以
應試卒京邸氏時年二十四歲聞訃一慟絕而復甦
誓以身殉男孫錫方在襁褓氏父以勸之曰死易耳
獨不爲王氏一綫計乎乃忍死撫孤熊丸課讀每至
夜分不倦氏讀書知大義兼通書法畫苑嘗手摹大
士像精巧擅絕一時相丹自矢闕政肅然屢蒙旌表
以避亂卒於氏兄范文忠公宦邸今錫成名宿膺歲
薦孫作肅又多才以選貢入監人以爲苦節應食其

報云

劉氏爲孝廉劉接武姊幼適靈山衛經歷萬柱歸卒林下氏撫孤子那傑備歷艱苦經四十年如一日俾那傑策名成均皆氏幽芳苦節所貽也

陳氏于氏張氏迺鄉民劉變化之母與祖母及曾祖母也惟于氏際遇更難前有孀姑後有孀婦二世苦節世所罕見奉旨旌表其門

戈氏監生李雲蒸妻景州生員戈應芳女崇禎十年雲

吳橋縣志

卷之六人物

三

蒸被難死氏抗節不辱並被殺有司旌其門曰血刃

全節

郭氏孝義鄉人張之綦妻綦博飲無行徧氏失身氏憤恨自挑其目綦猶偏不已氏恐不免遂投繯死世之夫婦和好而能守終身者猶屬可嘉况不幸而遭禽獸之夫乃能自裁決舍生取義者乎余敬其爲綱常而死矣

國朝

張氏爲歲進士張公虞機女適邑庠廩生王屏爲妻屏
故氏年二十五歲遺子年甫周氏抱泣柩前數日不
食欲自縊殉夫以老姑在堂不忍棄乃強竣夫喪事
紡績自力奉姑其旨三十餘年未嘗少怠姑歿殯葬
如禮艱辛歷盡志益堅貞至六十一歲卒節孝兼全
可以風世

趙氏蔡淳妻舉人恒馥之母也淳故氏二十四歲馥方
五歲氏守節保孤績紡教讀今馥登丁酉賢書蘭孫

吳橋縣志

卷之六人物

三

林立此皆苦節之報也氏享年七十有一邑侯申請
督學題其門曰節茂松筠

丁氏爲萬曆己酉科舉人劉接武繼室適武甫二載年
二十歲夫故氏慟不欲生矢誓靡他前室有二子大
斯大晟俱幼其乘其孤寡橫逆相加氏卒二子鳴官
泣陳巔末豪強理屈伏法後二子俱入庠長孫澤厚
登乙亥進士次孫廩生澤嗣以兄難廢國子監監生
皆氏拮据教訓之力也今年八旬矣六十年苦節乞

中領脫劉公長子甚美也賦性方正言笑不苟
幼喜讀書文字每見古人節烈事輒玩賞竟日不置
手十五歲于歸劉門夫婦稱梁孟焉是早卒時氏方
十七歲公人輩慮其年芳勸之改嫁氏以死自誓且
曰夫亡人夫殞又之嗣即應相從地下而所以不死
者以堂上翁雙親在也我不代夫養之老將安依由
是鉛華盡洗弄白躬操歡事翁姑朝夕問視四十年

如一日節也而孝兼之矣嗚呼一孱弱女子耳持身
冰雪大節凜然自幼至老履苦若飴皆本于性生不
待勉強表之以爲世風

李氏生員韓弘濟繼室濟故氏年二十五歲有勸其改
適者氏剪髮破面以明其志今年六十矣孀居二十
五載人無間言前子生員韓文焯能盡孝養亦可以
報氏之苦節也

氏定原南鄉儒士崔崑妻生員王守平之女也崇禎

十四年歲大飢家貧夫死上有孀姑下無子女借
而居搽作以食孝養姑劉氏至八十歲始卒氏今年
六十二歲矣

陳氏仁和鄉儒士徐維福妻也夫病將終請于公姑過
兄子爲嗣爲終身計公姑佯應之及維福死繼嗣之
事不成繼母凌其父偏嫁氏從容淡漠不異平日虞
笑之夜自縊于樞側越數日入殮容貌如生

十氏新得鄉儒士楊日茂繼妻生員楊長源繼母崇禎

長橋縣志

卷之六人物

三

十一年日茂死于兵氏年方二十四歲有二子大者
能步小者在襁值歲大飢翁率其三子就食山東前
女十歲前子七歲寄養舅氏有繼姑卧病飲食藥餌
俱絕飢餓狼狽無片瓦立錐之產拮据蒸埋氏乃携
其二子歸母家後又少一子至今三十六年矣猶
寄居兄弟之家織紡不輟

王氏府庠段擢繼室貢士王穆義女內則夙嫻言笑不
苟年二十五歲夫亡襁褓子數月殤氏堅貞自矢之

死靡他力織紡安糟糠今三十餘年少年無嗣其於
茹荼至五十而不變蓋冰心玉節出自天性矣

張氏生員范克任妻任死氏年二十五歲守節不嫁今
三十餘年

劉氏封公劉靖華女城武令李公男庠生震蕃妻夫卒
氏方十七歲事舅姑極孝撫孤成立爲太學生氏以
節終焉

竇氏縣北范家屯人也年少有姿爲農夫范海之妻海

吳橋縣志

卷之六人物

三

與其母菴氏往田間氏鍵戶業女工有方應奎者素
與海同編梳粧爲業來叩海門借鐵絲氏誤以爲海
啟戶奎見氏美色堪茹隻身易勝輒強偪爲姦氏性
剛烈執餅杖擊之奎奪杖強偪不已氏復揮菜刀砍
奎削其頭顱二寸許奎怒以磚擊其首腦漿流出貞
哉烈婦立斃于豺狼之手矣奎網獲正法訖氏僅十
九歲生長田間何知禮義乃授命殉節如彼其烈乎
蓋秉彜中羞惡一念用能扶植綱常維持世教也嗚

呼氏不死矢

武氏增廣生員蘇登繼室登故氏年二十五歲守節撫前子無異已出事孀姑克盡婦道今六十一歲長子光宗以歲薦入監次子顯宗三子耀宗俱藉甚費門皆氏三十餘年苦節所成也

邵氏蘇承徵妻二十七歲孀居歷四十八載以節終焉有二子長文華次芳俱庠士皆成立

王氏許宗禮妻夫故氏二十六歲矢志守貞孝養翁姑紡織度日孀居六十四年壽九十歲無病卒

吳橋縣志

卷之六人物

三

張氏許名貴妻卽王氏之兒婦也貴又早卒氏二十四歲同姑守節曲盡孝養壽八十六歲終姑媳兩孀同享大年天之所以報苦節也

陳氏定原北鄉羅袍妻生員羅一聘母袍故氏二十二歲時聘方二歲氏守貞撫孤晝夜教讀人庠氏今六十二歲四十年苦節不可泯也

陳氏于弘開妻開故氏年二十歲子女俱無因雙親在

堂誓不改嫁過弟弘濟子承嗣笑氣一身養翁姑育繼子惟績紡是賴節孝兼全苦貞宜表

李氏齊應徵妻夫出亡栢舟自誓今三十餘年家計蕭條而能勉事老姑教育孤子孑然一身撐持門戶亦女中錚錚者矣

劉氏范自強妻強死氏二十二歲念姑李氏孤寡無倚矢志不嫁今五十八歲孀姑八十餘歲賴氏紡績奉養益節而兼孝者也

吳橋縣志

卷之六人物

三

周氏劉永禎妻年二十二歲卽稱未亡人今已三十餘年矣家貧無產上有公姑下有子女仰事俯育皆自織紡中得之可謂苦節而貞者也

姚氏安陵里周升岳妻岳死氏年二十一歲守節家無寸產并無翁姑子女母家又貧孑然一身績紡自給今五十八矣彼何所戀而自苦乃爾蓋貞芳自性生者歟

李氏係故明朝士郭國柱妻柱死氏年三十歲守節八

六十六歲

馮氏劉志信妻信死氏年二十七歲守節今六十餘歲
趙氏郭玉常妻常早亡氏二十二歲無子女無產業併
無親屬氏安貧守節織紡度日嘗不舉火有哀其窮
而周之者不肯苟受七十餘歲卒無所歸鄉鄰葬之
幽貞隱德湮沒草莽聞諸野老特為表之

彭氏安得里劉養槍妻生員彭友英女貢士彭篤業妹
性故氏年二十四歲矢志靡他經三十六年氏今六
十歲矣不媿婦節

吳橋縣志

卷之六人物

三

論曰吳邑雖褊小若人物則有可觀者先哲時賢名
公巨卿以至碩德懿行孝義節烈肩踵相望前後輝
映於仰慕私心頗稱無憾焉雖然聞見隘而能無遺
漏乎採訪踈而能盡核實乎若夫海底珊瑚日有持
鐵網而求者俟續付棗也

